



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ioannis Ioviani Pontani amorum libri II.**

**Pontano, Giovanni Gioviano**

**Venetiis, 1518**

Tumulus Sulpitianæ puellæ.

**urn:nbn:de:hbz:466:1-13534**



TUMULORVM

Incubuit tumulo rupes . hæc ipsa sepulcrum

Haustra facit, miseros hei mihi quàm tumulos.

Increuit tumulo frondenti uertice sylua,

Sylua mihi est tumulus . hei mihi qui tumulus .

Qui mihi sit titulus, quæ nomina sylua docebit .

Sylua mihi titulus, Syluaq; nomen erat .

PRVINAÆ PVELLAE . ipsa loquitur .

Nec mihi tristis hyems nocuit, nec senior æstas,

Non terræ, aut tumidi uis inimica maris .

Tabida uis rapuit, rapuit uiolentia febris .

Delicui, ut rapido soles pruina liquet .

Heu nomen fatale, perinde, ut sole pruina,

Sic ego pallenti tabe liquens perij .

SVLPITIANAE PVELLAE .

Viator & umbra colloquuntur .

Dicite custodes umbræ, quæ tanta sepulcri .

Cura est? sollicitas cur'ue smaragdus habet?

Parce hospes uocitare umbras . Amathusides ipsæ

Dicimur, & Veneri turba dicata sumus .

Hic nymphis defleta diu, plorata Camœnis,

Clamata & Veneri Sulpitiana iacet .

Deflerunt nymphæ formam, gestusq; Camœnæ

Plorarunt teneros, compositumq; decusi .

Clamauit Cytherea oculos, oculisq; pudorem

Suffusum, & Veneres per labra, perq; genas .

In frondem nymphæ formam, in floremq; Camœnæ

Rarum uerterunt, & sine labe decus .

Incluserunt Cytherea oculos, sepsiq; smaragdo,



Cumq; his et Veneres, deliciasq; suas.  
 Mox statuit nos custodes. hinc cura sepulcri  
 Tanta est, sollicitas inde smaragdus habet.  
 Ferte piæ dona hæc Amathusides. hæc q; smaragdo  
 Sertæ date. æternos spiret & urna crocos.

EVMOLPAE SERVÆ. VI. et Ge. colloquuntur.

Hos loculos, hos & tumulos, hæc iura sepulcri  
 Ecquis habet Lemurum? num Genius quis habet?  
 Ipsa fides habet, & casti reuerentia lecti.  
 Hic, atq; hic Genius mutua iura tenet.  
 Sic requies huic sit tumulo, quæ nam umbra quiescit  
 In loculis? cineres cuius & urna tegit?  
 Sarmatis hic Eumolpa iacet, quæ nupta marito  
 Eripitur, siculo captâq; seruit hero.  
 Cuius dum fugit amplexus, renuitq; cubile,  
 Præceps de summa se iacit ausa domo.  
 Labentem simul excipimus, positamq; pheretro,  
 Condimus, & castis assumus hinc loculis.  
 Hos Eumolpa tibi flores, hæc sertæ dicamus.  
 Famaq; sit cineri semper amica tuo.  
 Vos quoq; felices Genij celebrate iacentem,  
 Et facti memorem reddite notitiam.

DRYASTIDIS NYMPHAE QUERE  
 la a rusticis cæse. Viator lequitur.

Quæ nam illa est igni e' medio flammisq; querela?  
 Qui gemitus? miseræ uirginis an' ne sonus?  
 Virginis ah miseræ uox illa est. sic tibi uirgo  
 Sit requies, gemitus causa nec ulla tui.

k ij